

Akugu Ma Dɔgba 'Ba YOWANI

Lende 'Ba Didi

¹ Dēdī dugu waraga nime ziye gɔ kō'du abo 'ba lende 'ba didi. Bɔ nime rɔ lende 'ba Boko'ba ne bo ēdī 'deni mɔlo bine di bi tisaki 'ba dɔliɲɔ nime. Tine duwō bo 'deni ti mbili ze do'ja bo ti kɔmɔze kōzize kosa rɔ bo gbī.

² Bo na rɔ didi ma laka zi bilaka. Mī tileme bo tōnē ze na do'ja bo. Gɔ kō'du mō kina me dēdī diya ziye, bo na rɔ didi ma ɲburuɲburu. Bo gbī kɔtɔ ti Boko'ba kina me kileme bo 'deni zize.

³ Rɔ ma laka wa nime do'ja 'deni duwō gbī ne na me dēdī diya 'deni gbī ziye, rōmōyī 'dɔ kpe kodɔ'bɔke rɔye kɔtɔ tize. Ma 'beze dēdī 'deni mī rɔ kodɔ'bɔ ti Yēsu Kurisītō kole 'ba Boko'ba gbī kɔtɔ ti 'bu bo Boko'ba.

⁴ Na ma dēdī dugu ame 'deni ziye gɔ rɔ kodɔ'bɔ 'be tize ki'di ze ti dēdī lɔ ti lɔɲɔ.

⁵ Ame na rɔ laja ma duwō di zi Yēsu kina me dēdī diya ziye. Boko'ba na rɔ bi kɔpɔ, ma di zi bo a mɔtɔ rɔ bi kōlu inza.

⁶ Kina ɔdɔ diyake te dēdike 'deni mī rɔ kodɔ'bɔ ti bo ko'ja loma ze kēdī gba mī bi kōlu do'dɔke bētī 'deni, ako'dɔ ze ga inza du te rɔ lende ma kodɔrɔ abo.

⁷ Ne ɔdɔ loma ze ga kēdī mī bi kɔpɔ kɔzɔ ame bo Boko'ba kēdī mī bi kɔpɔ ne tine, ɔdɔ'bɔ ze 'deni ɲgī rɔ akɔtɔ. Roma Yēsu kole 'ba Boko'ba

urögö ze 'deni yaga kɔɔ di mi lende kënyë ze ga.

⁸ Ɔɔɔ diyake te dinzake ti lende kënyë, du'bölukɛ rɔze 'deni kina lende ma kodɔɔ ɔɔ 'ba Bɔko'ba inza du te mize.

⁹ Ne ɔɔɔ dodɔke kpeze gɔ lende kënyë ze ga na laka, Bɔko'ba ti ko'dɔ kö'du laka abo ngi kɔɔɔ ame bo ki'di kö'du mo 'deni mɔlo tara ne. Bo ti kola ze gɔ lende kënyë ze ga pili bo kurögö ze yaga kɔɔ di yimo.

¹⁰ Ne ɔɔɔ diyake te do'dɔke lende kënyë ɔɔɔ dɛ du te, di'dike Bɔko'ba 'deni rɔ bɔ bɛti. Kina a mɔɔ rɔ lende abo inza du te mize.

2

Kurisitö Bɔ Kpëri Gɔze

¹ Mëdi mugu waraga nime ziye kole ma ga kinza kari ko'dɔke lende kënyë ra. Ne ɔɔɔ ni mɔɔɔ di mi löngö ze nime bine ko'dɔ lende kënyë, Yësu Kurisitö na kö'bö 'deni rɔ bɔ kpëri ze mi löngö ze ti Bɔko'ba 'bu. Römöyi bo na rɔ bɔ ame ko'dɔ lende laka 'ba Bɔko'ba 'deni

² bo kombi lanɔba 'ba lende kënyë ze 'deni ti tölë abo. Dɛ nge rɔze kɔɔɔ tine rɔ gɔze bilaka 'ba mi dɔyayi nime pili.

³ Kina me miya ziye, wa ame 'dɔ kileme ze rɔ bɔ tikali Bɔko'ba rɔ ma laka ne na rɔ toro kö'du ki'di abo ga.

⁴ Ɔɔɔ bɔ mo kiya te bo ikali Bɔko'ba 'deni ngi tara kinza ma bo koro kö'du ki'di mo ga dɛ yo, bo 'deni rɔ bɔ bɛti, kina lende ma kodɔɔ ɔɔ 'ba Bɔko'ba inza du te mi bo.

⁵ Tine lijë ame ga pili këdi ko'dɔ lende 'ba Bɔko'ba ne lijë na rɔ ya ame ga akɔ'ɔ 'ba Bɔko'ba

këdî ko'do ndobo ngî ro ma laka minni ne. Wa ame 'do kileme ma dedî 'deni ro akoto ti Boko'ba ne na me.

⁶ Bo ame kiya te bo o'bô 'deni ro akoto ti Boko'ba ne bo ki'di loma abo këdî kozo 'ba Yësu Kurisitô.

Kô'du Ki'di

⁷ Kpe ame ga mo'o ye ne, kô'du ki'di nime mëdî mugu ziye ne wa la'ja na dë. Kô'du ki'di molo tönë ki'di ziye molo di bi tisaki mo ne na. Kina kô'du ki'di molo nime bo na ro laja ma tönë kuwöke ne.

⁸ Tine bo na gbî ro kô'du ki'di ma la'ja. Loma 'ba Yësu ti loma 'be na kileme la'ja mo 'deni. Römöyî bi kölu ëdî 'deni kote rönî bi kopo ma laka na 'deni këdî kiyopo go bi.

⁹ Bo ame kiya te bo ëdî 'deni mi bi kopo tine bo gba ro ma ko'ji löndö ne, bo ëdî abo ka gba mi bi kölu.

¹⁰ Lijë ame ga ko'o löndö nni ga ne na ro ya ma këdî 'deni mi bi kopo. Kina a moto inza kpe ro ma kënyë minni ame go ki'di lijë koco yaga di mi kari 'ba Boko'ba.

¹¹ Tine bo ame ko'ji löndö ni ne bo ëdî abo gba mi bi kölu. Kina bo ëdî gba kilingere mi bi kölu kinza ma bo kikali bi ma bo këdî kari teyi. Römöyî bi kölu iyölu komo bo 'deni.

To'o Dolijo

¹² Kole ma ga, mëdî mugu wa naga nime ziye römöyî Boko'ba ola ye 'deni go lende kënyë 'be ga go kô'du 'ba Yësu.

¹³ Kpe bulöbu, mëdî mugu wa naga nime ziye römöyî ikalike bo ma tönë koloma molo di bi

tisaki mo ne 'deni. Kpe yɔbi, mēdī mugu wa naga nime ziye rōmōyī a'dake Satani bɔ ma kēnyē ne 'deni.

¹⁴ Kpe kole ma ga, mēdī mugu wa naga nime ziye rōmōyī ikalike 'bu ze Bɔko'ba 'deni. Kpe bulōbu, mēdī mugu wa naga nime ziye rōmōyī ikalike bɔ ma tōnē koloma molo di bi tisaki mo ne 'deni. Kpe yɔbi, mēdī mugu wa naga nime ziye rōmōyī kpe na rɔ bɔ tigɔ kina lende 'ba Bɔko'ba ɔ'bō 'deni gbī mīye ka'dake Satani bɔ ma kēnyē ne 'deni.

¹⁵ Miya ziye pili, kinza kɔ'ɔke dɔliŋɔ nime dē gbī ti wa mo ga. Bɔ ame kɔ'ɔ dɔliŋɔ nime inza kikali tɔ'ɔ 'bu ze Bɔko'ba.

¹⁶ Rōmōyī wa pili 'ba dɔliŋɔ nime ame ga kɔzɔ ako'dɔkɔ 'ba yida rɔ ni ti mī kombi ni ti dɔ kombi ni naga nima inza rɔ 'ba Bɔko'ba, lijē 'ba dɔliŋɔ nime na.

¹⁷ Kina me dɔliŋɔ nime ti kote rōnī kɔtɔ yaga ti wa mo naga nima bilaka kēdī kɔ'dɔ ndörö gɔmo ne. Tine lijē ame ga kɔ'dɔ ako'dɔkɔ 'ba Bɔko'ba ne ti koloma ŋgī kō'bō rɔ ŋburunburu.

Nburunburu 'Ba Dɔliŋɔ

¹⁸ Kole ma ga, kada ma ŋburunburu 'ba dɔliŋɔ nime na 'deni me. Tōnē molo bine uwōke 'deni tēgē bɔ ndo'ji bɔ ya 'ba Kurisitō ti kɔdɔ 'deni. Kina me le'jete bɔ ndo'ji ma konzi bɔ ya 'ba Kurisitō ɔdɔ 'deni. Gɔ kō'du mo na me ki'di dikali 'deni kada mo tōnē ɔmō 'deni.

¹⁹ Bɔ ndo'ji naga nime lijē ɛnyī 'deni konye rōnnī yaga di mī lōngö ze. Tine lijē inza du te rɔ lēpī ze ga, rōmōyī ma lijē kēdī ra ŋgī kɔ rɔ lēpī ze ga dēne lijē ɛdī kō'bō tize. Tine lijē ɛnyī

koza rōnnī yaga di rōze kina me kileme 'deni ḡgī ma koto 'bēnni mōto inza du te rō lēpī zize.

²⁰ Ne ma 'beye Kurīsītō odo Nyī Kōto Laka 'deni dōye kina me kpe pili ikalike lende ma laka 'deni.

²¹ Tine ame mēdi mugu wa nime ziye ne, miya dē te ikalike lende ma kodoro dē. Ne mēdi mugu ziye rōmōyī ikalike lende ma kodoro 'deni kina ikalike 'deni gbī a mōto rō bēti inza mī lende ma kodoro.

²² Ne tine yē na rō bēti? Bēti na rō bo ame kiya te Yēsu na dē rō Kurīsītō ma Boko'ba koja ne. Rōmōyī Boko'ba 'bu gbī ti Kurīsītō kole mo na ma bo kilagi 'deni. Kina me bōto mo nima bo 'deni rō bo ndo'ji bo ya 'ba Kurīsītō.

²³ Rōmōyī lijē ame ga pili kilagi ti'di dōnnī gōmo Yēsu na rō kole 'ba Boko'ba ne, lijē ikali Boko'ba 'bu 'ba Yēsu dē. Ne lijē ame ga pili ki'di dōnnī gōmo Yēsu na rō kole 'ba Boko'ba ne lijē na kikali Boko'ba 'bu 'ba Yēsu 'deni gbī.

²⁴ Kina me ziye, ö'bōke ti'di dōye gō lende naga nime kuwōke 'deni mōlo di bi tisaki mo ne. Rōmōyī odo kö'bōke ti'di dōye ḡgī gōmo ti kö'bōke 'deni ḡgī rō akoto ti Yēsu kole 'ba Boko'ba gbī rō akoto ti 'bu bo Boko'ba.

²⁵ Tō'bō rō akoto ti Boko'ba nime na rō loma ma ḡburunḡburu mo tōnē Yēsu kiya 'deni mōlo tēgē 'do bo ki'di zize ne.

²⁶ Kina me mugu lende naga nime 'deni ziye gō kö'du 'ba bōto naga nima ko'doko tu'bōlu ye ne.

²⁷ Ne kpe 'beye nime Kurīsītō kodo Nyī Kōto Laka abo 'deni dōye kö'bō 'deni miye ne, ēddi ko'dokoke 'bōwu 'do bilaka lesi kiyandi ye gō

wa'di? Nyi Koto Laka abo nima na ti kiyandi ye ti wa pili kina akiyandi abo na ro ma kodoro, beti inza mi bo. Kina 'do kolomake ro akoto ti Kurisitö kozo ame Nyi Koto Laka kiyandi ye ne tara.

²⁸ Kina me medii miya gbi ziye kole ma ga, olomake ro akoto ti Kurisitö romöyü mi kada 'ba tileki abo bine go doze kedii ro ma kitewu kinza debeke ra tusu doze di zi bo ti ro kaya.

²⁹ Romöyü ikalike 'deni Kurisitö na ro bo lende laka. Kina 'do kikalike gbi ze ame ga pili do'doke lende laka ne öyö ze 'deni yaga ro ma la'ja ro kole 'ba Boko'ba.

3

Kole 'Ba Boko'ba

¹ Kina me o'jake ako'ö löbu nime Boko'ba ko'do goze ki'di kidëki ze ro kole abo ga ne 'deni. Ro ma laka ze kole abo ga na. Ne bilaka 'ba dolinjo nime ikali Boko'ba de go lende mo na ma ki'di lijë kikali ze de ro kole 'ba Boko'ba.

² Kpe ame ga mo'ö ye ne, ze 'deni ro kole 'ba Boko'ba. Tine tedi ze ma di dogba yayi mo ileme de gba zize. Ne ma dikalike mo odo Yesu kako 'deni kileme ro bo ti dedike gbi kozo bo romöyü ti do'jake bo ngi ko kozo ame bo kedii ne tara.

³ Kina me ze ame ga 'deni pili ti komo ki'di 'do tedi kozo Kurisitö ne di'dike lende ze ga ti kö'bö nburu ro ma laka kozo 'ba bo 'ba Kurisitö tara.

⁴ Ya ame ga kö'bö 'benni to'do lende kenyë ne, lijë na ro ma kilagi kö'du ki'di 'ba Boko'ba 'deni naga. Romöyü to'do lende kenyë na ro tilagi kö'du ki'di 'ba Boko'ba.

5 Ikalike 'deni Kurisitö ako doliŋo bine tombi lende kënyë 'ba bilaka kina a mato ro lende kënyë inza mi bo.

6 Kina me bo ame kö'bö 'deni ro akoto ti Kurisitö ne ö'bö de kpe to'do lende kënyë. Tine 'benni 'ba boto bo ko'do lende kënyë naga nima lijë ma 'benni o'ja Kurisitö de kikali bo de gbï yo.

7 Kpe kole ma ga, kinza ki'dike boto mato ku'bölu ye de. Ya ame ga kö'bö to'do lende laka ne lijë na ro ma laka di komo Boko'ba gbï kozo Kurisitö tara.

8 Ne lijë ame ga kö'bö to'do lende kënyë ne lijë 'ba Satani na romöyi Satani isaki to'do lende kënyë 'deni molo kako di bi tisaki mo. Kö'du 'ba 'do tiyeyi mi ndobo kënyë 'ba Satani nime yaga na me 'do ki'di Boko'ba koja kole abo kako gomo doliŋo nime bine ne.

9 Bo ame 'deni ro kole 'ba Boko'ba ö'bö de kpe nduwë to'do lende kënyë romöyi bo 'deni ro kupö 'ba Boko'ba. Boko'ba na ro 'bu ze do'boke de kpe to'do lende kënyë.

10 Wa nime na kedï kileme ro ma laka ye ga na ro kole 'ba Boko'ba kina ye ga na 'benni ro 'ba Satani. Lijë ame ga pili ko'do lende laka de ko'o löndö nni ga de ne inza ro kole 'ba Boko'ba.

11 Ame na ro lende ame kuwöke 'deni molo di bi tisaki mo, zize to'o lepï ze ga.

12 Tine de 'do tedi kozo 'ba Kayina ma tonë bine kupö bo löndö bo ne. Bo 'ba bo nima ro 'ba Satani. Ne go wa'di na bo kupö bo löndö bo? Romöyi lende abo ga pili ro ma kënyë 'ba bo löndö bo na ro ma laka komo Boko'ba.

13 Löndö ma ga, kinza ki'dike lende nime dë kilikö dɔye ɔdo dɔliɲɔ kɛdɪ ko'ji ye.

14 Ze 'beze ma ze tiye nime ditelike dɔ tölë 'deni dɔdɔke mĩ dɪdɪ ma ɲburuɲburu. Akɔ'ɔ ze ame dɔ'ɔke löndö ze ga ne na ki'di ze 'deni dikalike wa nime. Römöyɪ lijë ame ga kɔ'ɔ löndö nnɪ ga dë ne ö'bö 'bënnɪ 'deni mĩ tölë.

15 Lijë ame ga pili ko'ji löndö nnɪ ga ne lijë bo akupö na. Kina kɔzɔ ma kikalike lijë ama ga tara ne ti kɔ'bo tɛdɪ ti dɪdɪ ma ɲburuɲburu te tondo ga?

16 Dikalike wa nime rɔ akɔ'ɔ ne 'deni römöyɪ Kurisitö ilagi dë di bi ti'di rɔ bo tölë gɔze. Kina gbɪ tara kinza dilagike dë di bi tölë gɔ löndö ze ga.

17 Ne oɲgɔke te, nɪ mɔtɔ ame kɛdɪ ti wa 'ba dɔliɲɔ nime tine kebe kupupu dökɪ'dɪ yɪ ɲgɪ lipo bɛrɪ di bi tokɔnyɪ löndö mɔtɔ ame rɔ leri mo ne, ti akɔ'ɔ 'ba Bɔko'ba kɛdɪ mɪyɪ totondo?

Dɔ Kɪtɛwu Kɔmɔ Bɔko'ba

18 Kole ma ga, kinza di'dike akɔ'ɔ 'beze kö'bö dë ɲge dɔ kpeze tine zize 'dɔ tokɔnyɪ lɛpɪ ze ga ɲgɪ ko rɔ ma laka.

19 ɔdo do'dɔke te na ti dikalike ɲgɪ lende laka 'ba Bɔko'ba ɛdɪ mɪze.

20 Kina ɔdo dökɪ'dɪ ze kɛdɪ pele rɔ ma kombi gɔ kö'du 'ba lende kënyë ze ga ti dɛdɪke ɲgɪ ti mĩ këyɪ kɔmɔ Bɔko'ba. Römöyɪ akikali abo 'ba Bɔko'ba na rɔ dɔ kiteli kebe 'beze. Kina bo na kikali wa pili.

21 Kpe ame ga mɔ'ɔ ye ne, ɔdo kɛdɪ 'deni tara dökɪ'dɪ ze kombi dë kpe gɔ kö'du 'ba lende kënyë ze ga, ti dolomake rɔ dɔ kɪtɛwu kɔmɔ Bɔko'ba.

22 Kina bo ti ki'di wa pili ame ga dititike ne ngi zize römöyï dëdi duwöke do kö'du ki'di abo 'deni dëdi do'döke ako'döko abo ga.

23 Wa ma bo kose zize na ro ti'di döze go lende 'ba kole abo Yësu Kurisitö kina gbi 'do to'o lepï ze ga közo ame Kurisitö ki'di kö'du mo zize ne tara.

24 Ze ame ga pili duwöke do ndose 'ba Boko'ba ne ze 'deni ro akoto ti bo Boko'ba kina bo 'deni gbi ro akoto tize. Nyi Koto Laka abo nime bo ki'di mize ne na ki'di ze 'deni dikali ma bo Boko'ba kedï 'deni ro akoto tize.

4

Bö Kumë Lende Dö Kindëndë

1 Kpe ame ga mo'o ye ne, i'dike komoye kandi laka, bö kumë lende dö kindëndë ma konzi ita'ba 'deni kote mi dölijo. Kina kinza ki'dike döye dë ngi welo go lende 'ba boto ame ga pili kedï kiya te lijë edi ti Nyi Koto Laka 'ba Boko'ba minni ne. Tine ziye titi tiyozo mo 'do kikalike odo kedï ngi ro 'ba Boko'ba.

2 Tikali mo na közo a nime te, lijë ame ga kedï kiya te Yësu Kurisitö ako 'deni dölijo bine ro bilaka lesi ne lijë na ro 'ba Boko'ba.

3 Ne lijë moto ama ga pili kowasa lende nime kiya te Kurisitö ako dë su dölijo bine ro kinë bilaka lesi ne lijë inza ro 'ba Boko'ba. Lijë 'benni 'ba bö ndo'ji bö ya 'ba Kurisitö tonë na. Uwöke 'deni molo bine iya te bö ndo'ji nima edi kako mi dölijo kina me bo kömö 'deni.

4 Kole ma ga, kpe na ro kole 'ba Boko'ba kina a'dake bö kumë lende dö kindëndë naga nima 'deni. Römöyï bo Boko'ba ame miye ne bo na

mbiri di dɔ Satani nima mɪnni lijɛ bilaka 'ba dɔyayi nime ne.

⁵ Kina ma bɔ kumɛ lende dɔ kindɛndɛ naga nima lijɛ 'bɛnni rɔ bilaka 'ba mi dɔyayi nime. Kina lende 'bɛnni ga pili rɔ 'ba dɔyayi nime gɔ kɔ'du mo na ma bilaka 'ba dɔyayi nime kɛdi kuwɔ dɔ lende 'bɛnni ne.

⁶ Ne ze 'beze ma ze tiye nime ze 'deni rɔ kole 'ba Bɔko'ba. Kina ame ga pili kikali Bɔko'ba ne na ti kuwɔ dɔ lende ma 'beze. Tine lijɛ ame ga pili kinza rɔ kole 'ba Bɔko'ba ne lijɛ uwɔ dɔ lende ze dɛ. Kina me bɔ ame ɔdɔ donɔɔ bo kuwɔ dɔ lende ze nima, omba bo na rɔ bɔ ame Nyi Kɔtɔ Laka 'ba lende kodɔrɔ 'ba Bɔko'ba kɛdi mi bo ne. Tine ma kinza kuwɔ dɔ lende ze dɛ naga nima ti dikali lijɛ ŋgi rɔ ma laka rɔ 'ba Satani bɔ bɛti.

Akɔ'ɔ

⁷ Kpe ame ga mɔ'ɔ ye ne, dɔ'bɔke ti nduwɛ tɔ'ɔ rɔze. Rɔmɔyi akɔ'ɔ na rɔ 'ba Bɔko'ba. Kina me ze ame ga pili ti akɔ'ɔ mize ne ze na rɔ kole abo 'ba Bɔko'ba kina ze na gbi rɔ bilaka ame ga kikali bo ne.

⁸ Tine lijɛ ame ga 'bɛnni kinza akɔ'ɔ mɪnni lijɛ kɔ'ɔ lɛpi nni ga dɛ ne, lijɛ ikali Bɔko'ba dɛ du te rɔmɔyi Bɔko'ba bo na rɔ mi zana 'ba akɔ'ɔ.

⁹ Bɔko'ba ileme akɔ'ɔ abo 'deni zize ti toja kole kɔtɔ kpɔki abo kako mi dɔliŋɔ ame ti bo na dɛdike 'deni ti didi ma ŋburuŋburu ne.

¹⁰ Akɔ'ɔ ame rɔ ma laka ne inza rɔ ma dɔ'ɔke bo Bɔko'ba. Akɔ'ɔ ma laka mo na rɔ ame bo kɔ'ɔ ze bo koja kole kɔtɔ abo kako kombi lanba 'ba lende kɛnyɛ ze ga ti tɔlɛ abo ne.

11 Kpe ame ga mɔ'ɔ ye ne, kɔzɔ ame Boko'ba kɔ'ɔ ze 'deni kulöwö ne zize gbī 'dɔ tɔ'ɔ lɛpī ze ga.

12 Bɔtɔ mɔtɔ inza kɔtɔ te ame ko'ja kinē Boko'ba. Tine ɔdɔ dɔ'ɔke lɛpī ze ga 'deni Boko'ba 'deni rɔ akɔtɔ tize, akɔ'ɔ abo ēdī 'deni ŋgī ko'dɔ ndɔbɔ laka mize.

13 Dikalike 'deni ze rɔ akɔtɔ ti Boko'ba kina bo gbī rɔ akɔtɔ tize gɔ Nyī Kɔtɔ Laka abo nime bo ki'di 'deni mize ne.

14 Kina gbī do'ja 'deni Boko'ba 'bu 'ba Yēsu Kurisitö oja kole abo dɔliŋɔ bine tɔmɔ bilaka di mī tölē na me dēdī duwöwö 'deni ti.

15 Kina me lijē ame ga pili kuti gomo Yēsu na ŋgī rɔ kole 'ba Boko'ba ne lijē na kö'bö 'deni rɔ akɔtɔ ti Boko'ba kina Boko'ba gbī rɔ akɔtɔ tinni.

16 Dikalike laka 'ba akɔ'ɔ 'ba Boko'ba gɔze 'deni. Bo na rɔ mī zana 'ba akɔ'ɔ. Kina lijē ame ga pili kö'bö tɔ'ɔ lɛpī nni ga ne lijē na 'deni rɔ akɔtɔ ti Boko'ba kina bo gbī rɔ akɔtɔ tinni.

17 Kina ɔdɔ akɔ'ɔ 'ba Boko'ba kēdī 'deni ŋgī ko'dɔ ndɔbɔ mize rɔ ma laka ti dēdike ŋgī rɔ dɔ kitēwu mī kada 'ba burē löbu nima kēdī kako ne. Dɔ kitēwu ze ti kēdī ŋgī gɔ loma ze mī dɔliŋɔ bine ame 'deni gbī ko kɔzɔ 'ba Kurisitö tara ne.

18 Tikere ni ti akɔ'ɔ ɔdɔ'ɔ dōnni dē bi kɔtɔ. Kina me ɔdɔ kiya te akɔ'ɔ 'ba Boko'ba kēdī 'deni ko'dɔ ndɔbɔ rɔ ma laka mize ti koga tikere ŋgī ŋbö yaga. Römöyī tikere ēdī koloma mī bilaka gɔ lende 'ba karama nime Boko'ba kēdī kodɔ dɔ bilaka ne. Kina me lijē ame ga rɔ tikere ne akɔ'ɔ 'ba Boko'ba o'dɔ ndɔbɔ dē du te laka minni.

19 Boko'ba na kɔ'ɔ ze 'deni dɔgba kina gɔ kö'du mo 'dɔ dɔ'ɔke bilaka gbī.

²⁰ Ni bɔ ame ko'ji löndö yì ne ɔɔ kiya te ɔ'ɔ Boko'ba nì bɔ bēti na. Römöyì ɔɔ ko'ɔ löndö yì ame këddi ko'ja kinè mo ne dē, ti ko'ɔ Boko'ba ame kinza ko'ja kinè mo dē ne totondo ga?

²¹ Kina gbì kö'du ki'di ame Kurisitö ki'di zize na me lijè ame ga pili ko'ɔ Boko'ba ne gɔ lijè ko'ɔ löndö nnì ga gbì.

5

Ta'da Dɔliɔ

¹ Lijè ame ga pili ki'di dönñi 'deni ngi gomo Yësu na rɔ Kurisitö ma Boko'ba koja ne lijè na rɔ kole 'ba Boko'ba. Kina me bɔ ame ko'ɔ 'bu ne ɔ'ɔ kole mo 'deni gbì.

² Gɔ lende mo na me dikalike 'deni ɔɔ dɔ'oke Boko'ba doroke kö'du ki'di mo gbì, omba dɔ'oke kole abo 'ba Boko'ba 'deni.

³ Tɔ'ɔ bo Boko'ba na rɔ to'dɔ kö'du ki'di abo. Kina kö'du ki'di abo inza rɔ gomo zize

⁴ römöyì lijè ame ga pili rɔ kole 'ba Boko'ba ne ëdì ta'da wa 'ba dɔliɔ nime ngi pili rɔ gomo. Ti'di dɔze gɔ lende 'ba Yësu na rɔ aka'da ame da'dake dɔliɔ 'deni timo mi kɔɔ.

⁵ Kina me mëdì miya ziye, bɔto mɔto inza ame ka'da dɔliɔ tine nge kɔto rɔ bɔ ame ki'di dönñi ngi gomo Yësu na rɔ kole 'ba Boko'ba ne.

Lende 'Ba Yësu Kurisitö

⁶ Yësu Kurisitö na rɔ bɔ ame kako 'deni dɔliɔ bine ti mini 'ba bapatisi gbì ti roma 'ba tölè abo. Bo ileme rɔ bo dē nge ti mini tine bo ileme rɔ bo ti mini gbì ti roma. Kina Nyi Kɔto Laka odɔro gomo 'deni yaga laka. Römöyì Nyi Kɔto Laka na rɔ bɔ lende kodɔro.

⁷ Kina me wa ëdi 'deni mota ame kileme laka 'ba lende 'ba Yësu.

⁸ Lijë wa mota naga nima Nyi Koto Laka ni ti mini 'ba bapatisi ti roma 'ba tolë abo uti do lende pili bi koto.

⁹ Ongoke te, ze dutike go wa ma bilaka kileme zize, ne 'ba Boko'ba ame bo kileme na ro do kiteli di do 'ba bilaka lesi. Lende 'ba kole abo na me bo kileme bine.

¹⁰ Kina me lijë ame ga ki'di donni 'deni go lende 'ba kole 'ba Boko'ba ne akileme abo nime ëdi 'deni mi doki'di mo. Tine lijë ame ga pili ki'di donni de go lende 'ba Boko'ba ne lijë o'do Boko'ba 'deni yaga ro bo beti. Romoyi lende 'ba Boko'ba ame bo kileme kole abo timo ne na ma 'deni lijë kilagi ti'di donni gomo.

¹¹ Ame na gbi ro akileme abo mo. Bo i'di didi ma nburunburu 'deni zize ti kole abo.

¹² Kina me bo ame 'deni ro akoto ti kole 'ba Boko'ba ne ëdi 'deni ti didi ma nburunburu. Tine bo ame kinza ro akoto ti kole 'ba Boko'ba ne inza ti didi ma nburunburu.

Didi Ma Nburunburu

¹³ Wa naga nime mugu 'deni ziye 'do kikalike ëdike 'deni ti didi ma nburunburu. Romoyi kpe na ro ya ame ga ki'dike doye 'deni go lende 'ba kole 'ba Boko'ba.

¹⁴ Ze 'beze ma ze tiye nime 'deni ro do kitewu komo Boko'ba romoyi go ako'doko abo odo dititike bo go wa moto bo edi nduwe tuwo deki 'ba doze.

¹⁵ Go ko'du mo dikalike ngi laka odo dititike a moto di zi bo dikalike ngi dedike 'deni timo.

16 Ɔɔɔ nĩ mɔɔ ko'ja löndö yĩ mɔɔ kēdĩ ko'dɔ lende kēnyē ame kinza rɔ 'ba tölē ne, ititi Bɔko'ba gɔ bo. Kina bo ti ko'ja didi ma ŋburuŋburu ŋgĩ ɔɔ lende kēnyē abo mo nima kinza rɔ 'ba tölē. Römöyĩ lende kēnyē mɔɔ ga ēdĩ bina rɔ 'ba tölē. Kina me lende nime miya te 'dɔ kititi Bɔko'ba gɔ bo lende kēnyē ne inza gönnĩ ya ame ga ko'dɔ lende kēnyē ma te ne.

17 Lende kirasi pili rɔ gɔmo rɔ lende kēnyē di kɔmɔ Bɔko'ba. Tine lende kēnyē mɔɔ ga inza rɔ 'ba tölē ma ŋburuŋburu.

18 Dikalike kole ame ga rɔ 'ba Bɔko'ba ne ö'bö dē kpe nduwē to'dɔ lende kēnyē. Römöyĩ Yēsu kole 'ba Bɔko'ba itata lijē 'deni. Satani osa rönnĩ dē kpe.

19 Ze pili dikalike 'deni gbĩ ze 'ba Bɔko'ba na, ne dɔliŋɔ nime pili ēdĩ közĩ Satani.

20 Dikalike 'deni kole 'ba Bɔko'ba ako 'deni dɔliŋɔ bine ti'di wa naga nime kēdĩ njo zize 'dɔ dikalike Bɔko'ba ame ŋge kɔɔ kpökĩ mitorɔ ne. Ze 'deni rɔ akɔɔ ti bo Bɔko'ba römöyĩ ze 'deni rɔ akɔɔ ti kole abo Yēsu Kurisitö. Bo na rɔ Bɔko'ba ame kɔɔ kpökĩ mitorɔ ne. Kina bo na rɔ bo dɔ didi ma ŋburuŋburu.

21 Kina me kole ma ga, kinza kupöke rɔye dē ti lende 'ba akoro.

Jur Mödö
Jur Modo: Ndose Kodo Laka, Buku 'ba Tisaki ni Todo
to Lömu La'ja 'Ba Yösu Kurisitö Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07